

quam illo de Basso, ambo primo non contine
vocabulos internationale non-latino - et me
critica in Basso solo vocabulos de isto ultimo
specie. Orthographia de lingua originale es
inapplicabile ad isto vocabulos ex causas
que me expone in lato modo in epistula scripto
ad Holovrat in que me adde etiam plure
exemplos persuasivo. Ille praefer orthographia
latinizato - sed nos debe defini isto latinizatione
in modo preciso et Basso non adde tale
definitione. Ceterum orthographia originale
fac interlingua heterogeneo (waggon, tramway),
in contrariis⁴ formas latinizato I (vagone, tranvia)
que concordat cum spiritu romano de l. s. fl.

Si vocabulos L/ADFHJPR, L/A, L necessario
habe orthographia definito tunc etiam vocabulos
internationale non-latino debe habe illo.

In charta postale de 17. III. a. e. vos scribe ad me:
"In proximo numero [sc. de Apr] me publica ortho-
graphia" ergo me expecta novo numero de Apr
et spera de inveniri in illo desiderato regulas.

Sed vocabulos { L internationale } non suffice
 { L A
 { L necessario
internationa⁴le non LATINO }

pro exprime omne idea, nam existe ideas
 F. inexprimabile A. inexpressibile per vocabulos
 de enumerato ^{de} Conclusionem: nos debe da regulas
~~pro~~ ^{de} electione et orthographia de vocabulos
 pro tale ideas pro que existe nec L A D F H I P R
 nec L A, nec L necessario, nec internationale
 non-latino.

Me es sincero factore de l.s.fl., me ute illo
 semper in correspondentia cum scientiatis
 extraneo (etsi me nosce D, F. A.) et propaga illo
 in limite de meo vires sed me desidera
 systemate completo et bene definito.

Ergo necessario es de publica supplemento
 ad existente vocabularios, tanto plus quod vos
 iam habe preparato manuscripto. In praefatio-
 ne ad isto supplemento debe es exposito regulas
 de orthographia de vocabulos Internationale non-latino.

Me adjupe expressiones de meo alto
 respectu et cordiale salutationes

semper devoto et fidele

Jeziorski